

Ymgynghoriad ar Raddfeydd Ffioedd 2027-28

Awst 2026

Sut i ymateb

Ymatebwch erbyn 18 Medi 2026..

Gellir anfon ymatebion i'r cyfeiriad canlynol:

Ymgynghoriad Graddfeydd Ffioedd
Archwilio Cymru
1 Cwr y Ddinas
Caerdydd
CF10 4BZ

Neu gellir eu cwblhau'n electronig a'u hanfon drwy e-bost: post@archwilio.cymru

Os oes angen y cyhoeddiad hwn mewn fformat a/neu iaith arall arnoch, cysylltwch â ni gan ddefnyddio'r manylion uchod neu drwy ffonio 029 2032 0500.

Cyhoeddi ymatebion – cyfrinachedd a diogelu data

Gall gwybodaeth a ddarperir mewn ymateb i'r ymgynghoriad hwn gael ei chyhoeddi neu ei datgelu yn unol â deddfwriaeth mynediad at wybodaeth (yn bennaf Deddf Rhyddid Gwybodaeth 2000, ond hefyd deddfwriaeth diogelu data, gan gynnwys y Rheoliad Cyffredinol ar Ddiogelu Data, a Rheoliadau Gwybodaeth Amgylcheddol 2004).

Os hoffech i unrhyw wybodaeth rydych chi'n ei darparu gael ei thrin yn gyfrinachol, dylech ddweud wrthym pam rydych chi'n ystyried bod yr wybodaeth rydych chi wedi'i rhoi yn gyfrinachol. Os byddwn yn derbyn cais i ddatgelu gwybodaeth, byddwn yn ystyried eich esboniad yn llawn, ond ni allwn roi unrhyw sicrwydd y gellir cynnal cyfrinachedd o dan bob amgylchiad. Ni fydd ymwadiad cyfrinachedd awtomatig a gynhyrchir gan eich system TG, ynddo'i hun, yn cael ei ystyried yn rhwymol ar yr Archwilydd Cyffredinol nac Archwilio Cymru.

Bydd data personol yn cael ei brosesu yn unol â deddfwriaeth diogelu data. Pan fo data o'r fath o fewn cwrmpas cais am wybodaeth gan berson arall, bydd angen ystyried darpariaethau'r ddeddfwriaeth diogelu data a'r Ddeddf Rhyddid Gwybodaeth o dan yr amgylchiadau penodol. Er na ellir barnu unrhyw sefyllfa, mae hyn yn debygol o olygu y bydd gwybodaeth am uwch swyddogion a ffigyrau cyhoeddus yn debygol o gael ei datgelu tra bod enwau a chyfeiriadau aelodau cyffredin o'r cyhoedd yn debygol o gael eu dal yn ôl.

Safonau'r Gymraeg

Mae'n ofynnol i Archwilio Cymru gydymffurfio â Safonau'r Gymraeg sy'n darparu nad yw'r Gymraeg yn cael ei thrin yn llai ffafriol na'r Saesneg. Ceir rhagor o wybodaeth ar ein trefniadau Cymraeg ar ein gwefan. Wrth adolygu'r ymgynghoriad hwn, byddem yn croesawu eich barn ynghylch a ydych yn ystyried bod unrhyw beth yn yr ymgynghoriad hwn yn tanseilio neu'n cefnogi'r gofyniad hwn. Byddem hefyd yn croesawu eich barn ar unrhyw ddiwygiadau y gellid eu gwneud i gefnogi cyfleoedd i ddefnyddio'r Gymraeg neu sicrhau nad ydym yn trin y Gymraeg yn llai ffafriol na'r Saesneg

Cynnwys

Sut i ymateb	2
Cyhoeddi ymatebion – cyfrinachedd a diogelu data	2
Safonau’r Gymraeg	3
Rhagair	5
Ymgynghoriad	7
Graddfeydd ffioedd ar gyfer gwaith a wnaed o dan y Fenter Twyll Genedlaethol (paru data)	9
Graddfeydd ffioedd ar gyfer cyrff Llywodraeth Leol	10
Awdurdodau Unedol	10
Cronfeydd Pensiwn Llywodraeth Leol	11
Awdurdodau Tân ac Achub	11
Awdurdodau Parc Cenedlaethol	12
Comisiynwyr Heddlu a Throseddu	13
Cynghorau tref a chymuned gydag incwm neu wariant blynyddol o dan £2.5 miliwn	14
Cyfraddau ffioedd ar gyfer gwaith arall mewn llywodraeth leol	15



Rhagair

Diolch am gymryd rhan yn ein hymgyngghoriad blynyddol ar raddfeydd ffioedd. Mae deddfwriaeth yn ei gwneud yn ofynnol i ni wneud hyn ar gyfer cyrff llywodraeth leol, ond rydym yn dewis ymgynghori'n ehangach fel bod cyfle i'r holl randdeiliaid ymateb i'n cynigion ynghylch ffioedd. Mae ystyried yr ymatebion i'r ymgynghoriad hwn yn rhan bwysig o'n proses o bennu ffioedd.

Sut rydym yn pennu ein ffioedd

Ni chaiff y ffioedd a godwn fod yn uwch na chost lawn cyflawni'r swyddogaeth y mae'r ffi yn ymwneud â hi. Nid ydym yn gwneud elw ar ein gwaith, ac ni chawn wneud hynny.

Mae'r egwyddor honno wedi'i nodi yn y ddeddfwriaeth sy'n berthnasol i'n rôl a'n gwaith.

Cyfraddau ffioedd a ffioedd a godir

Rydym yn pennu ein ffioedd archwilio yn seiliedig ar ein hamcangyfrif o'r gymysgedd sgiliau a nifer y diwrnodau a fydd eu hangen arnom i gwblhau ein gwaith archwilio, gan ystyried natur, maint, cymhlethdod a risg y sefydliad rydym yn ei archwilio.

Mae'r ffi wirioneddol y bydd unrhyw gorff a archwilir yn ei thalu yn dibynnu ar y cyfraddau ffioedd ynghyd â maint y gwaith a'r gymysgedd sgiliau sydd eu hangen.

Ar gyfer ein harchwiliadau cyfrifon ariannol, bydd cyfrifon wedi'u paratoi'n dda ac yn amserol gyda phapurau gwaith ategol, ac ymatebion cyflym i ymholiadau archwilio, yn lleihau'r amser sydd ei angen ar gyfer archwilio a fydd yn cael effaith uniongyrchol ar y ffi a godir.

Ein cynnig ar gyfer eleni

Chwyddiant Mynegai Prisiau Defnyddwyr oedd 2.8% yn y flwyddyn hyd at fis Mehefin 2026. Er ein bod yn parhau i wynebu pwysau chwyddiant o ran ein costau, rydym wedi ystyried rhagolwg chwyddiant y Swyddfa Cyfrifoldeb Cyllidebol a gyhoeddwyd ym mis Mawrth 2026, ac rydym wedi ceisio lleihau'r effaith ar gyrff a archwilir drwy sicrhau mwy o effeithlonrwydd yn ein gwaith. **Rydym yn cynnig codi cyfraddau ffioedd o 2.25% ar gyfer 2027-28.**

Rydym yn bwriadu parhau i ddarparu mynediad i'r Fenter Twyll Genedlaethol am ddim.

Yr hyn rydym yn ei wneud i hybu effeithlonrwydd archwilio

Rydym wedi parhau i fuddsoddi mewn adnoddau staff ychwanegol wrth i ni weithio tuag at ein hamcan o gyflawni ein holl waith archwilio cyfrifon yn unol â'r terfynau amser statudol erbyn mis Mawrth 2027. Wrth i ni agosáu at gwblhau'r ôl-groniad o archwiliadau, byddwn yn lleihau ein lefelau staffio drwy gyfraddau gadael naturiol a chontractau dros dro i leihau'r risgiau sy'n gysylltiedig â diswyddo a morâl staff. Er bod y gostyngiad hwn yn rhoi pwysau ychwanegol ar ein cyfraddau ffioedd, rydym yn parhau i wneud ymdrech gydlynol i sicrhau gwerth am arian, cynnal ein cynaliadwyedd ariannol, a manteisio ar dechnoleg ddigidol a thechnoleg arall, er mwyn helpu i reoli costau.

Rwy'n ymwybodol iawn o'r pwysau sy'n wynebu'r cyrff rydym yn eu harchwilio, a byddaf yn parhau i herio ein model gweithredu er mwyn sicrhau bod ein ffioedd archwilio yn parhau i gynnig gwerth am arian, wrth barhau i fuddsoddi mewn ansawdd archwilio – a'i ddarparu – sy'n ganolog i bob penderfyniad a wnawn.

Crynodeb

Mae ein gwaith yn Archwilio Cymru yn darparu sicrwydd annibynnol ynghylch defnyddio arian cyhoeddus, yn cefnogi atebolrwydd a thryloywder, yn hyrwyddo gwelliant mewn gwasanaethau cyhoeddus, ac yn hyrwyddo gwerth am arian i bobl Cymru.

Mae cyfrifon statudol o ansawdd uchel yn hanfodol ar gyfer ymddiriedaeth y cyhoedd, llywodraethu da a chynaliadwyedd ariannol.

Rydym wedi nodi amrywiaeth o fesurau effeithlonrwydd i **gyfyngu ar y cynnydd arfaethedig yn ein cyfraddau ffioedd i 2.25% ar gyfer 2027-28**. Gall cyrff a archwilir chwarae eu rhan wrth leihau'r ffioedd gwirioneddol a godir drwy baratoi cyfrifon o ansawdd uchel a dogfennau gwaith cynhwysfawr, a thrwy sicrhau bod staff ar gael i ymateb i ymholiadau drwy gydol yr archwiliad.

Gobeithio bod yr ymgynghoriad hwn yn ddefnyddiol, ac edrychaf ymlaen at ystyried eich ymatebion.

Diolch yn fawr



Catherine Mealing-Jones

Archwilydd Cyffredinol Cymru

Ymgynghoriad

Cyfraddau ffioedd 2027-28

Mae ein cyfraddau ffioedd arfaethedig ar gyfer 2027-28 wedi'u nodi yn Arddangosyn 1.

Arddangosyn 1: cyfraddau ffioedd arfaethedig ar gyfer 2027-28

Gradd	Cyfradd (£ yr awr) 2027-28	Cyfradd (£ yr awr) 2026-27
Cyfarwyddwr Archwilio	189	187
Rheolwr Archwilio	146	144
Arweinydd Archwilio	121	118
Uwch-archwilydd	99	95
Archwilydd	71	72
Hyfforddai graddedig	67	63
Prentis	48	49

Mae'r cyfraddau hyn yn cynrychioli cynnydd cyfartalog pwysoledig o 2.25% yn seiliedig ar ein cymysgedd staff cyffredinol. Mae cynnydd yn ôl gradd yn amrywio oherwydd, i fodloni'r gofyniad 'dim mwy na chost lawn', rydym yn cyfrifo cyfraddau yn seiliedig ar staff gwirioneddol yn y swydd, ac felly mae'r cyfraddau yn caniatáu cynnydd cynyddol lle bo hynny'n berthnasol yn ogystal â'r codiadau cyflog disgwyliedig ar gyfer y flwyddyn.

Mae Pwyllgor Cyllid y Senedd yn craffu ar ein cynlluniau gwariant, perfformiad a chyllideb, ac mae'r rhagdybiaethau yn yr ymgynghoriad hwn yn amodol ar gymeradwyaeth ein Hamcangyfrif ym mis Tachwedd 2026 a'n Cynllun Ffioedd yn gynnar yn 2027.

Ceir rhagor o wybodaeth am ein gwaith a'n gwariant yn ein [Hadroddiad Blynnyddol a Chyfrifon 2025-26](#) a'n [Cynllun Blynnyddol ar gyfer 2026-27](#).

Ein graddfeydd ffioedd drafft ar gyfer cyrff llywodraeth leol

Mae gweddill y ddogfen hon yn darparu'r graddfeydd ffioedd ar gyfer cyrff llywodraeth leol ac ar gyfer cyfranogwyr gorfodol i'r Fenter Twyll Genedlaethol. Mae'r graddfeydd yn dangos yr ystod o ffioedd yr ydym yn disgwyl eu codi ar gyfer corff a archwilir nodweddiadol yn y sector hwnnw gyda ffioedd gwirioneddol yn cael eu pennu mewn ymateb i amgylchiadau lleol. Nid oes angen y graddfeydd hyn ar gyfer unrhyw sector arall.

Byddwn yn croesawu'n fawr eich ymateb i'r ymgynghoriad hwn erbyn 18 Medi 2026, i lywio adolygiad y Senedd o'n Hamcangyfrif a'n Cynllun Ffioedd Drafft ar gyfer 2027-28.

Graddfeydd ffioedd ar gyfer gwaith a wnaed o dan y Fenter Twyll Genedlaethol (paru data)

- 1 Rydym yn gwahodd eich barn ar barhau i gymryd rhan yn y Fenter Twyll Genedlaethol (MTG) ar sail dim ffi.
- 2 Mae'n ofynnol i ni ymgynghori ar raddfeydd ffioedd a'u rhagnodi ar gyfer paru data ar gyfer cyfranogwyr gorfodol yn yr MTG. Mae'r Archwilydd Cyffredinol yn cynnal yr MTG gan ddefnyddio eu pwerau paru data statudol o dan Ran 3A o Ddeddf Archwilio Cyhoeddus (Cymru) 2004.
- 3 Mae'r MTG yn paru data ar draws sefydliadau a systemau i helpu cyrff cyhoeddus i nodi hawliadau a thrafodiadau a allai fod yn dwyllodrus neu anghywir. Mae'r MTG wedi bod yn offeryn effeithiol iawn wrth ganfod ac atal twyll a gordaliadau. Nododd ein hadroddiad bob dwy flynedd ddiwethaf arbedion posibl a gordaliadau o £7.1 miliwn ar draws gwasanaethau cyhoeddus Cymru, gan gynyddu arbedion cronol i £56.5 miliwn ers 1996. Byddwn yn adrodd canlyniadau'r ymarfer MTG diweddaraf yr hydref hwn.
- 4 Rydym wedi bod mewn cysylltiad â chyrff sy'n cymryd rhan ynglŷn â'r ymarfer MTG nesaf. Rydym hefyd yn disgwyl rhai cyfranogwyr newydd. Bydd data yn cael ei gyflwyno ar gyfer paru yr hydref hwn.
- 5 Ers mis Ebrill 2015, mae'r Senedd wedi talu costau rhedeg yr MTG drwy daliad o Gronfa Gyfunol Cymru (WCF). Bwriad hyn yw annog sefydliadau i gymryd rhan yn wirfoddol a symleiddio trefniadau ar gyfer cyfranogwyr gorfodol. Er ein bod yn disgwyl i gostau gynyddu uwchlaw chwyddiant i gefnogi rhai datblygiadau MTG ehangach; rydym yn bwriadu parhau â'r dull ariannu presennol ar gyfer 2027-28. Fel sy'n ofynnol gan ddeddfwriaeth, dangosir ffioedd cyfranogwyr gorfodol yn **Arddangosyn 2**.

Arddangosyn 2: Ffioedd y Fenter Twyll Genedlaethol

Ffi 2027-28	
Awdurdod unedol; comisiynwyr heddlu a throseddu a phrif gwnstabiliaid; awdurdodau tân ac achub; ymddiriedolaethau'r GIG; byrddau iechyd lleol	Dim
Cyfranogwyr gwirfoddol	Dim
Efallai y bydd pob cyfranogwr hefyd yn cael mynediad at Wiriwr Cais MTG (Gwiriad Ap)	Dim

Graddfeydd ffioedd ar gyfer cyrff Llywodraeth Leol

- 6

Rydym yn gwahodd eich barn ar y graddfeydd ffioedd arfaethedig a fydd yn berthnasol i gyrff Llywodraeth Leol ar gyfer archwilio cyfrifon 2026-27 ac ar gyfer gwaith archwilio perfformiad 2027-28.
- 7

Mae ein harchwiliad o raddfa ffioedd cyfrifon yn ystyried y cynnydd cyfartalog mewn cyfraddau ffioedd fel y nodir yn **Arddangosyn 1**.

Awdurdodau Unedol

Arddangosyn 3: graddfa ffioedd ddrafft ar gyfer archwilio cyfrifon 2026-27

Gwariant Gros £ miliwn	Ystod ffioedd			Y Flwyddyn Flaenorol
	Isafswm £'000	Canolrifol £'000	Uchafswm £'000	Canolrifol £'000
100	150	177	203	172
200	181	212	244	207
300	201	237	272	230
400	217	256	294	249
500	231	271	312	264
600	242	285	327	277
700	252	297	341	289
800	261	307	353	299
900	270	317	365	309
1,000	277	326	375	317
1,100	284	335	385	325
1,200	291	342	394	333

Arddangosyn 4: graddfa ffioedd ddrafft ar gyfer gwaith archwilio perfformiad 2027-28

Pob awdurdod unedol	Ystod ffioedd			Y Flwyddyn Flaenorol
	Isafswm £'000	Canolrifol £'000	Uchafswm £'000	Canolrifol £'000
	117	124	140	121

Cronfeydd Pensiwn Llywodraeth Leol

Arddangosyn 5: graddfa ffioedd ddrafft ar gyfer yr archwilio cyfrifon 2026-27

Pob cronfa pensiwn	Ystod ffioedd			Y Flwyddyn Flaenorol
	Isafswm £'000	Canolrifol £'000	Uchafswm £'000	Canolrifol £'000
	46	59	62	58

Awdurdodau Tân ac Achub

Arddangosyn 6: graddfa ffioedd ddrafft ar gyfer archwilio cyfrifon 2026-27

Gwariant Gros £ miliwn	Ystod ffioedd			Y Flwyddyn Flaenorol
	Isafswm £'000	Canolrifol £'000	Uchafswm £'000	Canolrifol £'000
20	44	52	60	50
40	53	62	72	61
60	59	69	80	68
80	64	75	86	73
100	68	80	91	77

Arddangosyn 7: graddfa ffioedd ddrafft ar gyfer gwaith archwilio perfformiad 2027-28

Pob awdurdod tân ac achub	Ystod ffioedd			Y Flwyddyn Flaenorol
	Isafswm £'000	Canolrifol £'000	Uchafswm £'000	Canolrifol £'000
	21	22	25	21

Awdurdodau Parc Cenedlaethol

Arddangosyn 8: graddfa ffioedd ddrafft ar gyfer archwilio cyfrifon 2026-27

Gwariant Gros £ miliwn	Ystod ffioedd			Y Flwyddyn Flaenorol
	Isafswm £'000	Canolrifol £'000	Uchafswm £'000	Canolrifol £'000
2	27	32	37	31
4	33	39	44	38
6	37	43	49	42
8	39	46	53	45
10	42	49	57	48

Arddangosyn 9: graddfa ffioedd ddrafft ar gyfer gwaith archwilio perfformiad 2027-28

Pobl awdurdod parc cenedlaethol	Ystod ffioedd			Y Flwyddyn Flaenorol
	Isafswm £'000	Canolrifol £'000	Uchafswm £'000	Canolrifol £'000
	23	25	28	24

Comisiynwyr Heddlu a Throseddu

- 8
- Mae archwilwyr yn cynnal archwiliadau o ddau gorff statudol mewn ardal heddlu – Comisiynwyr Heddlu a Throseddu a'r Prif Gwnstabliaid. Bydd rhannu cyfanswm y ffi rhwng y ddau gorff mewn ardal heddlu benodol yn fater i archwilwyr ei benderfynu, yn seiliedig ar ofynion cyfrifyddu a'r trefniadau gweithredol a roddwyd ar waith gan bob un o'r cyrff.

Arddangosyn 10: graddfa ffioedd ddrafft ar gyfer archwilio cyfrifon 2026-27

Gwariant Gros Cyfunol Comisiynwyr Heddlu a Throseddu a Phrif Gwnstabliaid £ miliwn	Ystod ffioedd cyfunol ar gyfer Comisiynwyr Heddlu a Throseddu a Phrif Gwnstabliaid			Y Flwyddyn Flaenorol
	Isafswm £'000	Canolrifol £'000	Uchafswm £'000	Canolrifol £'000
50	76	87	99	85
100	89	103	117	100
150	98	114	130	111
200	105	122	139	119
250	111	129	147	126
300	116	135	154	132
350	121	141	160	137

Cynghorau tref a chymuned gydag incwm neu wariant blyneddol o dan £2.5 miliwn

- 9 Mae cynghorau tref a chymuned yng Nghymru yn destun trefn archwilio sicrwydd cyfyngedig.
- 10 Ym mis Hydref 2020, cyhoeddodd yr Archwilydd Cyffredinol bapur yn nodi sut y bydd yr archwiliadau hyn yn cael eu cynnal ar gylch tair blynedd fel y nodir yn **Arddangosyn 11**.

Arddangosyn 11: cylch archwilio tair blynedd ar gyfer cynghorau tref a chymuned

	Grŵp A	Grŵp B	Grŵp C
Archwiliadau 2025-26	Archwiliad sylfaenol	Archwiliad llawn	Archwiliad sylfaenol
Archwiliadau 2026-27	Archwiliad sylfaenol	Archwiliad sylfaenol	Archwiliad llawn
Archwiliadau 2027-28	Archwiliad llawn	Archwiliad sylfaenol	Archwiliad sylfaenol

- 11 Mae taliadau am y gwaith hwn yn seiliedig ar yr amser a gymerwyd i gwblhau'r archwiliad ar ffioedd fel y nodir yn **Arddangosyn 1** ar **dudalen 7**.
- 12 Mae **Arddangosyn 12** yn darparu ystod o ffioedd ar gyfer cynghorau o wahanol feintiau, yn seiliedig ar incwm a gwariant, ac yn ymgorffori rhagdybiaethau ynghylch cymhlethdod y cynghorau mwy, yn ogystal â'r ffaith bod y cofnodion a ddarperir ar gyfer yr archwiliad yn gyflawn ac yn ddigonol ar gyfer yr archwiliad.

Arddangosyn 12: amcangyfrif o daliadau amser ar gyfer archwilio cyfrifon cynghorau tref a chymuned 2026-27

	Band 1 (<£10k)	Band 2 (<£25k)	Band 3 (<£50k)	Band 4 (<£100k)	Band 5 (<£500k)	Band 6 (>£500k)
Archwiliad llawn	£410-£800	£430-£800	£505-£905	£620-£1,070	£890-£1,423	£1,100-£1,935
Archwiliad sylfaenol	£200-£270	£200-£270	£200-£270	£225-£295	£225-£295	£240-£300

Cyfraddau ffioedd ar gyfer gwaith arall mewn llywodraeth leol

- 13 Heblaw am y mathau hynny o gyrff y rhagnodwyd graddfeydd ffioedd ar eu cyfer fel y dangosir uchod, mae nifer bach o fathau eraill o gyrff llywodraeth leol lle mae ein rhagnodiad o raddfa ffioedd yn fater o drosi'r gofynion adnoddau yn ffioedd yn seiliedig yn uniongyrchol ar gostau cyflawni'r gwaith neu drwy gymhwyso'r cyfraddau ffioedd fel y nodir yn **Arddangosyn 1**. Bydd hyn yn cynnwys archwiliadau o Gyd-bwyllgorau Corfforedig. Mae'n parhau i fod yn wir, ar gyfer archwiliadau'r gyrff hyn, ein bod yn defnyddio dull seiliedig ar sero i gynllunio archwiliad.
- 14 Er mwyn i bob math o gorff llywodraeth leol gyflawni ei gyfrifoldebau statudol, weithiau mae angen i'r Archwilydd Cyffredinol wneud gwaith sy'n mynd y tu hwnt i ddyletswyddau cyffredinol (y rhai a nodir yn adran 17 o Ddeddf Archwilio Cyhoeddus (Cymru) 2004 ac yn adran 15 o Ddeddf Llesiant Cenedlaethau'r Dyfodol (Cymru) 2015). Gall gwaith ychwanegol gynnwys adroddiadau er budd y cyhoedd, archwiliad eithriadol, archwiliadau arbennig, a gwaith pellach mewn perthynas â her etholwyr ac atal gwariant anghyfreithlon. Bydd taliadau am y math hwn o waith yn adlewyrchu natur y gwaith sydd ei angen.
- 15 Gall archwilwyr hefyd ymgymryd â gwaith ardystio grant mewn gyrff llywodraeth leol ar ran yr Archwilydd Cyffredinol. Mae swm y gwaith ardystio grant a wneir mewn unrhyw flwyddyn yn dibynnu ar nifer y cynlluniau sy'n destun archwiliad a nifer y gyrff a archwilir sy'n cymryd rhan yn y cynlluniau hynny. Gwneir taliadau am y gwaith hwn fesul awr ac maent yn adlewyrchu maint, cymhlethdod a/neu unrhyw faterion mewn perthynas â'r grant dan sylw fel y nodir yn **Arddangosyn 13**.

**Arddangosyn 13: amcangyfrifon o gyfrannau cymharol graddau staff
archwilio i’w defnyddio ar gyfer gwahanol fathau o waith grantiau**

Gradd staff	Cymysgedd staff grantiau cymhleth %	Cymysgedd staff pob grant arall %
Cyfarwyddwr Ymgysylltu	1 to 2	0 to 1
Rheolwr Archwilio	4 to 6	1 to 2
Arweinydd Archwilio	18 to 21	12 to 16
Archwilydd/hyfforddai graddedig/ prentis	71 to 77	81 to 87

Mae grantiau cymhleth yn cynnwys:

- BEN01 Cynllun budd-daliadau tai a’r dreth gyngor
- LA01 Ffurflen ardrethi annomestig cenedlaethol
- PEN05 Ffurflen pensiynau athrawon



Archwilio Cymru

1 Cwr y Ddinas

Stryd Tyndall

Caerdydd CF10 4BZ

Ffôn: 029 2032 0500

Ffôn Testun: 029 2032 0660

E-bost: gwybodaeth@archwilio.cymru

Gwefan: www.archwilio.cymru

Rydym yn croesawu gohebiaeth a
galwadau ffôn yn Gymraeg a Saesneg.

We welcome correspondence and
telephone calls in Welsh and English.